

Mensahe 3

Ang Pagsinati sa Mga Magtutuo sa Grasya sa Dios diha sa Pamatigayon sa Dios Mahingpit sa Iglesia nga Organicong Lawas ni Cristo

Basahong Kasulatan: Juan 1:16; Rom. 12:6; 1 Cor. 1:2-4; 2 Cor. 13:14;
Gal. 6:18; Efe. 4:7, 29; Fil. 4:23; Bug. 22:21

I. Ang pagkinabuhi sa mga magtutuo sa Bag-ong Tugon ilalom sa grasya diha sa pamatigayon sa Dios kinatibuk-ang pagkinabuhi man nga nagsinati sa nahikay ug nahingpit nga Tulo-usang Dios ingon nga grasya—Gal. 6:18; Heb. 4:16; Bug. 22:21:

- A. Pagkinabuhi gyod sa grasya, pagsinati sa grasya, ang Cristohanong pagkinabuhi; kinabuhi gyong naay Dios nga grasya nato ang Cristohanong kinabuhi nato—2 Cor. 1:12.
- B. Ang kinatibuk-ang pagkinabuhi nagpasabot nga ang tibuok pagkinabuhi nato pagkinabuhi gyod sa Tulo-usang Dios nga nahikay aron mahimong grasya alang nato—13:14.
- C. Naglihok sa sulod nato adlaw-adlaw ang sinagol nga Espiritu ingon nga dihog aron mapahimuslan nato ang nahikay nga Tulo-usang Dios ingon nga grasya—1 Juan 2:20, 27.
- D. Ang grasya ni Ginoong Jesucristo, ang Espiritu sa grasya, naa sa atong espiritu, nga gipanganak pag-usab aron mahimong puluy-anan ug sudlanan sa Tulo-usang Dios—Heb. 10:29b; Gal. 6:18; Fil. 4:23; Filem. 25; 2 Tim. 4:22.
- E. Kita kadtong nakadawat sa grasya, nga mao ang Tulo-usang Dios—ang Amahan nga gihatag kanato diha sa Anak, ug ang Anak nga naamgohan ingon nga Espiritu nga nagpuyo sa atong espiritu—1 Cor. 15:45b; 6:17.
- F. Kay mga balaan man ta, naa gyod sa tagsatagsa nato ang grasya sa Ginoo sa tanang aspeto sa adlaw-adlaw natong kinabuhi—Fil. 4:23; Efe. 4:7.

II. Ang tinuod nga iglesia gibasi sa grasyang gihatag niini diha ni Cristo Jesus—1 Cor. 1:2-4:

- A. Wala ihatag sa iglesia ang grasya sa Dios basi sa pagkaespirituhanon o sa kahimtang ba sa iglesia.
- B. Ang grasya ra gyod sa Dios ang sukaranan sa iglesia—16:23.
- C. Ang pagpasalamat ni Pablo sa Dios sa 1 Corinto 1:4 gibasi sa gasa sa grasya nga gihatag sa iglesia diha ni Cristo Jesus.
- D. Nagbarog ang iglesia sa sukaranan sa grasya aron makadawat kinig daghan pang grasya—Bug. 22:21.
- E. Nadawat na nato ang grasya isip sukaranan nato, ug nagbarog ta diha sa grasya, dili sa atong mga kaayo, maayong kagawian, o pagkamaayo kaayo ba; busa, angayan tang makadawat og daghan pang grasya, nagsapawsapaw man ngani nga grasya—Juan 1:16.

III. Ang kahingpitan sa pagsinati sa mga magtutuo sa grasya sa Dios diha sa Iyang pamatigayon mao ang iglesia nga organicong Lawas ni Cristo—1 Cor. 12:12-13, 27; Efe. 1:6-8, 22-23:

- A. Ang grasya mao ang nagsirkular nga Tulo-usang Dios nga nagpaambit sa tanang pagkamao Niya kanato aron mapahimuslan nato; nag-agad ang tibuok iglesiahanong kinabuhi sa grasya nga nagsirkular sa Diosnong Trinidad sa sulod nato—1 Ped. 5:10; Buh. 4:33; 2 Cor. 8:1; 13:14.

- B. Naggikan sa sulodnong pagpahimulos sa grasya sa Dios ang praktikal nga kinabuhi ug pagtukod sa Lawas ni Cristo—1 Cor. 1:9; 2 Cor. 13:14.
- C. Lugwa sa grasya sa Dios diha sa pamatigayon Niya ang tanang bahin sa organicong Lawas ni Cristo—Rom. 12:4-6a.
- D. Diha sa Lawas duna tay mga gasa nga nagkalainlain sumala sa grasya nga gihatag kanato ug resulta kini sa pagsinati nato sa grasya ni Cristo—v. 6:
 - 1. Kining grasyaha mao ang Dios diha ni Cristo nga diosnong elemento nga nisulod sa atong pagkatawo aron mahimong atong kinabuhi nga atong mapahimuslan—Juan 1:16; 2 Cor. 13:14.
 - 2. Sa pagsulod ning grasyaha kanato, nagdala kini sa elemento sa pipila ka espirituanong kahanas ug kahimoan, nga, duyog sa pagtubo nato sa kinabuhi, maugmad nga mga gasa sa kinabuhi nga makapalihok nato diha sa Lawas ni Cristo aron moalagad sa Dios—Rom. 12:6-8.
 - 3. Sa Roma 12:6 nagkalainlain ang mga gasa segun sa grasya; sa Efeso 4:7 gihatag ang grasya segun sa gasa:
 - a. Ang grasya mao ang diosnong kinabuhi nga nagpalugwa ug nagsangkap sa mga gasa.
 - b. Sa Roma 12 ang grasya maoy nagpalugwa sa gasa; busa, segun sa grasya ang gasa.
 - c. Sa Efeso 4 segun sa gasa ang grasya, segun sa gidak-on sa gasa.
- E. Sa iglesia nga organicong Lawas ni Cristo, dili gyod nato pagulaon sa atong baba ang pulong nga makadaot, “kondili kadto rang maayo nga makatukod, segun sa panginahanglan, aron makahatag kinig grasya sa mga nakadungog”—v. 29:
 - 1. Makapalatay untag grasya, ni Cristo nga atong pagpahimulos ug sangkap, ang atong pulong nga gipamulong nato sa uban—2 Cor. 13:14; Rom. 16:20; 1 Cor. 16:23; Gal. 6:18.
 - 2. Ang pulong nga makatukod sa uban nangalagad gyog Cristo nga grasya ngadto sa naminaw—Efe. 4:29.

IV. Niingon si Pablo sa Efeso 3:2 nga gihatag kaniya ang pagkapiniyalan sa grasya alang sa mga bahin sa Lawas—5:30:

- A. Sa Efeso 3:2 ug 9 gigamit ni Pablo ang Griyegong pulong *oikonomia*; sa versiculo 9 nagpasabot kining pulonga sa pamatigayon sa Dios, ug sa versiculo 2 nagpasabot kini sa pagkapiniyalan sa apostol.
- B. Gihatag kanato ang pagkapiniyalan sa grasya sa Dios aron makakinabuhi ug makaalagad ta alang sa pagtukod sa Lawas ni Cristo—vv. 2-7:
 - 1. Ang pagkapiniyalan sa grasya alang man sa pagpaambit sa grasya sa Dios ngadto sa Iyang piniling katawhan aron mapahimugso ug matukod ang iglesia nga Lawas ni Cristo—1 Cor. 4:1-2.
 - 2. Gikan ning pagkapiniyalana nilugwa ang pagpangalagad sa apostol, nga piniyalan sa balay sa Dios, nga nangalagad og Cristo nga grasya sa Dios ngadto sa panimalay sa Dios—9:17.
 - 3. Ang pagpangalagad ni Pablo pagpaambit man sa kadato ni Cristo ingon nga grasya ngadto sa mga magtutuo aron ilang mapahimuslan—Efe. 3:8.
 - 4. Naa sa Dios mismo ang pamatigayon sa Dios, apan gihatag ang pagkapiniyalan sa grasya dili ni Pablo ra nga usa ka tawo; gihatag sa tanang magtutuo kining pagkapiniyalana.
 - 5. Unibersohanon ang pagkapiniyalan sa grasya; alang sa Lawas ni Cristo gipiyalan sa grasya ang tanang balaan sumala sa pamatigayon sa Dios—vv. 2, 9.